

ĀDUNIYA KULU BŌRŌ DAAMA BEIYANIYOM

SENNI ZIIGO

Ka simma nna buricinitere ka n bōrō ɣwene iyaali bei nna daama duuri ka bōrō fō su hini ka hoɣu n se ya bara bōɣo duuri nna laakari kaniyom āduniya kuna,

Ka simma nna ka bōrō daama duuri bara hei fō ka sariya hima a ma cɛruma ka bōrō mōrani nna tilaasi guruje nna meiyom berekete nna kwene bōrō futu,

Ka simma nna naane ka āduniya zamaa sariya nyā dam daama duuri ga buricinitere nna bōrō jirima bōɣo nna kwene daama ka a gono weibōrō nna harubōrō ciyom afo gonouom kuna,

Ka simma nna ka bine a hima go rōkasine hennō ma gono ganna nna ganna ɣmaaniyo binni n hānu kulu mōɔjine kweiyom dirou ga,

Ka simma nna ka āduniya zamaa diya mariga beeri, tabataniyom mēfo ceejiyom ka n baa āduniya ganna zamaa kulu ma tō daama duuri hini ga nna a zaamani safu ɣwaani ɣwaani ka n damyom nna daama duuri ko ga a jirimani ko beiyom tontoni ceeji a bōɣo,

Ka simma nna ka āduniya zamaa marga beeri tutu ka nɣayo ba mē cineyo kulu cii kawa bōrō ɣwene āduniya daama duuri hini ga,

Ka simma nna ka mēecineyo cimanio ya ba nam daama duuri gweiyo ma dira dei-dei,

āduniya zamaa marigā beiyani bōrō ɣwene daama duuri ādininya kuna gwei cirici ka a hima zaamani an kokari kǎ ci tēente n ɣmaare ba mani za couyom hini kuna beiyom ceejiyom, ga, bōrō kulu ma mē cine di ci a ɣwene ganna zamaayom kulu mō ma duwa ka geeri tila cirici wō ga. Za ganna ɣmaani ɣmaaniyom kuna hali an to āduniya zama kulu.

ASARIYA SINTE (1)

Aduniya kuna n gu ibuna damayo hei nō dei-dei nn daama nna n burucinitere fō, n lasabu nna laakari ya nam nn mō huro cere kuna nyanze tere bōɣo.

ASARIYA HINKANTE (2)

Baa mei hima a ma gonna daama nna bōɣo meiyom zaɣa ka daama bei beiyaniyom mē cine na a siriyani dimi fisou yo ma sii. A sii nna n ma ci wō nō gaa kwaare wō nō gaa bii wō nō weibōrō wō nō harubōrō.

A sii nna cine fisouyom; a sii nna adiini fisouyom a bine sii nna siyasa fisouyom.

ASARIYA HINZANTE (3)

Bōrō kulu gonna hunayom nna bōɣo meiyom nna bōɣo naaneyom daama.

ASARIYA TAACINTE (4)

Bōrō fō na hima an ci bōrō fō se tam dee bine n ma mōriya berekete. A ganna nō n hoɣu tamtere nna mōriyayom berekete ba hini fō ga.

ASARIYA GUNTE (5)

N su bōrō fō wahalani, n su ga cēenani n bine su ga kamani.

ASARIYA IDDUNTE (6)

Sariya ganna baa mani bōrō gono a hima an saria ganna.

ASARIYA IYENTE (7)

Iri kulu afo sariya mōjine ya nō bine sariya di gu iri kulu cɛruma.

ASARIYA AIYAAKUNTE (8)

Batume gono bamei se dɛe bōrō na sariya daali n ma cē goosi sariyayo di mōjine ka yii ko beiyom.

ASARIYA EGANTE (9)

Hini sii bōrō fō se a ma hacine dii ka daabu ou a ma gei, dee bine a ma kaa kwaara ka na cii taalifo bōɣo.

ASARIYA WEINTE (10)

Hini gono bamei se an goosi cē; goosi ka a ba hini ka a nō cimi ou a ma tāgarani a daama nna a tilasi bōɣo.

ASARIYA WEICINIFONTE (11)

Ba n taali damyom nga se goosi ma a ciba n faaba kwe yo mōjine n ma du ka n ci taali kwe.

A sii na n ma bōrō nō taali daa fō bōɣo ka sariya dom na a jisi. Ya nō bine hāɣa gunguyom ka a bisa sasariya sii. Sariya zaka ya hima hāɣa gunguyom.

ASARIYA WEICINI HINKANTE (12)

Bɔrɔ fɔ su mɛ dam bɔrɔ fuu senni kuna berekete. Ya nɔ bine bɔrɔ fɔ sii nna a ma haɗasine jirima zobu. Sariya bamei ceruma nna alaamari zaɗa yayo.

ASARIYA WEICINI HINZANTE (13)

Daama gono bamei se a ma kwei nuɗu ka a baa kulu.

A ma gɔrɔ kwaara ka a sawayom a se a ma tunu saa ka a bine baa.

ASARIYA WEICINI TAACINTE (14)

Bamei ka sanani na n gaari n kwaara kuna daama gono n se n ma gana kwaara ɗwaani ka hini ceeji n ma n ta yoo.

Daama di su go n daabu dee a bara nna bɔrɔ wii ɔu bine daa berekete fɔ yo ka ɗduniya zamaa mariga beeri hoɗu.

ASARIYA WEICINI GUNTE (15)

Bamei kulu hima a ma gonna dimi.

N su hini ka hoɗu bɔrɔ se a dimi takii bɔɗɔ.

Asariya weicini idunte (16)

Dee bɔrɔ kɔ tɔ balaga a sii nna ma dimi nna adiini fisɔu wei nna haru se domi daama fɔ di nɔ n kulu gonna za n hiiɗe waati hali n fefeiyom saa.

N su hini ka hiiɗe hoɗu ka a na ci nna n bɔrɔ hinka kulu bakasine.

Iyaali ya bara zaamani safu ci cirici a ganna nɔ gominanti ga a ceruma.

Asariya weicini iyente (17)

Bamei, n bɔɗɔ fɔ nɔ, noo zamaa nɔ, daama gono wɔ gonna duuri.

A sii n ma bɔrɔ gaɗa a duuri takii bɔɗɔ.

Asariya weicini iyaakunte (18)

Bamei kulu gonna daama lasabu, ga, diayom kuna nna adiini ganayom ga n bine ba hini ka baaru n bɔɗɔ fɔ ɔu noo zamaa ko ga loo zaɗa ka a sawa noo se.

Asariya weicini egante (19)

Bamei kulu gonna lasabu nna senni daama. A se ganna nɔ bɔrɔ su ba heifo senni ɔu lasabu ko dirigoyom hei ka a bine ba senni kulu hini ka sei ba mani.

Asariya warankante (20)

Bamei kulu gonna kummayom nna igwe kuna gonoyom daama.

N su bɔrɔ tilasi igwe fɔ kuna wuroyom.

Asariya waranka cinifante (21)

Bamei gonna daama a ma wuro a kwaara senni kuna a bɔɗɔ ɔu a barani ka a fisɔu.

Bamei kulu afo bɔɗɔ gonna daama a ma gwei te a kwaara gominanti se.

Hei ka zamaa zaa ya bara kwaara yiiko. Zaayom di mo bara ka nna a tete biri.

Asariya waranka cini hinkante (22)

Ni ka kulu n gono zamaa kuna hima nɔ n ma gonna zamaa di naane daama. A ma du kɔ bara n bukaata mɔ biyayom zaa almani nna taadayo daama duuri hini ga heiyo wɔ kulu nna kwaara zaama gaabi nna bine gɔrɔ ka sine heinno kwarayo ɗwene alkawali hini ga. Ka simma nna zaɗa ka mete yaasi kwaara fɔ fɔ na ɗwene almani siriyani.

Asariya waranka cini hinzante (23)

Bamei gonna daama a ma gwei ka ɗ baa fisɔu. Ya nɔ bine n ga a ceruma nna gwei zaɗei.

Bamei munaafinsi baasi gonna gwei ka n te banayom daama.

Ni ka n gwei te kulu gonna banayom dei-dei daama ka a ba tɔ ni n ma n ɗwene iyaali kɔtɔ nna beere bɔɗɔ.

Bamei gonna daama a ma gweiteeriyo zogi taayom igwe safu jisi a bine ba hini ka a bɔɗɔ dam a fɔ ɗwaani ku na a bɔɗɔ bukaata fansayom ganna.

Asariya waranka cini taacinte (24)

Bamei gonna gwei hinanzobu nna hɔɔre daama gwei keiyaniyom zaka nna gwei hinanzobu kuna banayom saa nna saa.

Asariya waranka cini guntɛ (25)

Bamei gonna jisiri daama ka a ba hini ko ga ɲwɛnɛ alaafia nna a iyaali kulu ceruma nna, zaa ɲwaari, taafɛ, fuu nna baabuyom. Dee a bara sariti ya du ni ɔu bine gwei ya sara musiiba ya na n zeeri, zeenɛ nɔ, dee bine arooba fɔ ka a na ci n saabu a bara tilasi n ma duwa tɛɛ mako daama.

Wei kunu kweiyo, koo ɲwɛɛrayo gonna tɛɛmako nna kulayom daama. Koo kulu ka nna hei hiiɛe bɔɲɔ, ka du ka nam ɲɲa ka n hei hiiɛe si bɔɲɔ nn kulu gonna kulayom daama.

Asariya waranka cini iduntɛ (26)

Bamei gonna couyom daama. Couyom di ma du ka bara tilasi faala bɔɲɔ za coubugu cɛɛnɛ ka kwei sasa wanteyo kamme gwei dendeniyom coubugu ɲɲa cɛɛɛ hima n ma feeri bamani. Coubugu beeri n ma ɲɲa feeri nuɲu ka a hima.

Couyom di ma bara heifo ka a mɔɔ feeriyom nna jiri ma nufi daama duuri hini ga a ma ci saabu suuru nna kwaasitere ma tɛɛ dimiyo nna adiiniyo binni laakari kaniyom nna wadaata ma tɛ bamei sɛ.

Nyaa nna baabe gonna daama n ma couyo ka n baa fisɔu n kɔyo sɛ.

Asariya waranka cini iyentɛ (27)

Bɔɔ kulu gonna daama a ma wuro a dimi taada kuna ka a hukumsi.

Bamei gonna daama taadayo kuna a ma a kaayom taago liiba ɲwaa; tila kaayom nɔ, ɔu hoore taago.

Asariya waranka cini iyaakuntɛ (28)

Bɔɔ kulu gonna daama a ma tɛ hei ka kwaara nna kwaara binni, nuɲu birijiyom ma si. Laakari kaniyom nna bɔɲɔ meiyom mo gono zaɲa ka nna beiyani bɔɔ ɔduniya daama tila kuna a ma duka bara mɔɔriyantɛ.

Asariya waranka cini ɛgantɛ (29)

Bɔɔ gonna tilasiyo zamani ka kuna a gono. Zamani di ka kuna a folonku bɔɔ tɛɛ nna a jirima hini ka tɛ.

A daama nna a bɔɲɔ meiyom looyom kuna nɔ sariya tikite a sɛ a ma duwa ko bɔɔ cinniyo daama nna n bɔɲɔ meiyom bei n sɛ. Macerɛsɛ mo gono bamei sɛ.

N su ba hini ka daama nna bɔɲɔ meiyom di loo ka na cii zaɲa ka yaasi ɔduniyakwaara diyayo marigayom na a jisi.

Asariya waranzantɛ (30)

Beiyanियom wɔ looyom ga siriya fɔ sii ka a ba nam kwaara fɔ su safu fɔ dee bine bɔɔ ma tunu ka kɔɔnɛ ko ceeji ganna zamaa ma daama duuri nna bɔɲɔ meiyom di ka n dam tila kuna saabu.